



partii naleraq

Nuuk, 18. marts 2015

UPA2015/92

Uunga siunnersuut: Suliffeqarnermi innersuussisarneq il. il. pillugit Inatsisartut inatsisaata nr. 5, 8. juni 2014-imeersup allanngortinnissaa pillugu Inatsisartut inatsisaat nr. xx, yy 2015-imeersoq.

(Inuussutissarsiornermut, Suliffeqarnermut, Niuernermit Nunanullu allanut Naalakkersuisoq)

Siullermeerneqarnera

Nunatsinni suliffissaaleqisorpassuit sulilerteqqinnissaanut iliuitsit ilorraap tungaanut timalimmik ikilisaasinnaasut tamaasa Partii Naleqqamiit tunngaviatigut akuersaarnartuutippagut siunnersuutillu tamaasa tikilluaqquagut soorlu aamma siorna partiit allat peqatigalugit suliffissaaleqisut ikilisaaffigineqarnissaanik siunnersuusiornikuusugut.

Una siunnersuut toqqaannartumik ikilisinneqarneranik kinguneqassanngikkaluartoq, taamaattorli sulissarsionermit atugassatsialattut atorneqarsinnaalluarmat taperserparput. Aamma tapersiinitinni qitiulluinnartut Partii Naleqqami isigaarput nunatsinni qaammaasat, ilisimasat minnerunngitsumillu misilittakkat annertusiartuinnarnissaat pisariaqarluinnartut isigigatsigu, taavalu aamma takusinnaagatsigu tusarniaanermi oqaaseqaatini tamarmiunngippata amerlanerpaani siunnersuut taperserneqarmat.

Taama oqariarluta, tassunga killiffimmut uniinnarata nunaqqatitta sulilerteqqinnissaanut iliuusissat suli amerlanerusut ujartussavagut sulimi suliffissaaleqisut kalaaleqatigut amerlavallaqaat killormullu avataaniit suliarortut killilersimaarniarlugit timalimmik iliuuseqarfigineqaratik.

Tassani Savalimmiuni inatsit atuuttoq aaqqiissutissatut soqutiginaateqarluartut Naalakkersuisunut misissoqqussavarput, tassalu suliffissaaleqisut %-nngorlugu amerlassuseq aalajangersimasoq qummut angugaangagu taava avataaniit suliffissarsiortunik mattussisarneq Savalimmiuni misilittagaqarfigillualernikuugamikku, uagullu ajornartorsiut ukiorpassuarni oqaluuserigaluarlugu iliuuseqarfigineraasiit Naalakkersuinikkut attorumaneqanngimmat.

Aamma suli suliffissaaleqineq annertummat una piffissaq iluatsillugu Naalakkersuisut apererusunnarput siorna suliffissaaleqinermit atatillugu Naalakkersuisuusimasut 174 miliuuninik illuartitsinera qanoq kinguneqarsimanersoq?

Aammaaqqillunga kalaaleqatitta atorumaneqanngittorpassuit akornanni siorna aqumiut kattuffiat pilersinneqartup neriorsorneqarsimanera qanoq killiffeqarneraq paaserusupparput, unami ajornartorsiut ippassaannaq pinnani ukiorpassuarni isiginngitsuusaarlugu sakkortusiartuinnarsimasoq tamatta ilisimaaraarput eqqartortannguarniarlugulu – atali tapersiiginnarata timalersortigu ataatsimoorluta. Sulimi tusarunangikkaluarpugut partiinik uunga siunertatsialammut akerliusumut.

Siorna suliffissaaleqineq pillugu siunnersuusioqataanitsinnut siunnersuutitut innersuussiutigaluta uumap siunnersuutip aappassaaneeraneqannginermini ataatsimiititaliami sukumiisumik suliarineqarnissaa innersuussutigissavarput.

Qujanaq.

Per Rosing-Petersen